



# O dječače, podučiću te ovim riječima: 'Čuvaj Allaha, pa će i Allah tebe čuvati. Čuvaj Allaha pa ćeš Ga uvijek pred sobom naći (tj. postupaj kako Allah želi pa kad Ga nešto zamoliš, On će ti udovoljiti). Kada moliš, moli Allaha. Kada pomoć tražiš, traži je od Allaha

Od Ibn Abbasa, radijallahu anhuma, se prenosi da je rekao: "Bio sam jedan dan iza Allahovog Poslanika, sallallahu alejhi ve sellem, pa mi je rekao: 'O dječače, podučiću te ovim riječima: 'Čuvaj Allaha, pa će i Allah tebe čuvati. Čuvaj Allaha pa ćeš Ga uvijek pred sobom naći (tj. postupaj kako Allah želi pa kad Ga nešto zamoliš, On će ti udovoljiti).

Kada moliš, moli Allaha. Kada pomoć tražiš, traži je od Allaha. I znaj, da kada bi se svi ljudi sakupili da ti i najmanju korist pribave, ne bi donijeli osim ono što ti je Allah odredio i propisao. A kada bi se sakupili da ti nanesu kakvu štetu, ne bi ti nanijeli štete osim onoliko koliko ti je Allah odredio i upisao. Pera sudbine su podignuta, a stranice se osušile (tj. sve je određeno i zaključeno).""

[Vjerodostojan] [Hadis bilježi Tirmizi]

Ibn Abbas, radijallanu anhu, nam kazuje da je jednom prilikom, dok je bio dječak, kada je jahao zajedno sa Allahovim poslanikom, sallallahu 'alejhi ve sellem, Poslanik mu je rekao: "Dječače, podučit će te nekim stvarima koje će ti biti od koristi: Čuvaj Allaha tako što ćeš izvršavati ono što je On naredio i kloniti se onoga što je On zabranio. U skladu s tim, bit ćeš uvijek u djelima pokornosti, a ne u grijesima. Ako tako postupiš, Allah će te nagraditi tako što će te sačuvati poteškoća ovoga i onoga svijeta i pomoći će ti u svim tvojim radnjama. A kada želiš da zatražiš od nekoga nešto, zatraži samo od Allah-a. On je jedini koji se odaziva onima koji Ga mole. Pored toga, kada želiš da potražiš pomoć, zatraži je samo od Allah-a. Budi ubijeden da ti se u životu neće desiti neka korist pa makar se svi ljudi na Zemlji skupili da ti je priušte, osim uz Allahovu dozvolu. S druge strane, neće ti se desiti nikakva šteta makar se svi ljudi urotili protiv tebe osim ako Allah tako odredi. To je sve Allah odredio shodno Svojoj mudrosti i Svome znanju. Ne može se promijeniti ono što je Uzvišeni odredio.

**النّجّات الخيريّة**  
ALNAJAT CHARITY

